

սէյն աղէն. — «Այո, — պատասխանեցի, — հայերը արիւնհեղութիւն չեն ցանկանում. նոքա կամենում են իւրեանց թշնամիներին յաղթել գթութիւն հայցելով զօրեղ պետութիւններից և գրելով և խօսելով: Այդ տեսակ կռուին կուլտուրական կռիւ են անուանում:

Հիւսէյին աղէն սաստիկ տխրեց. — «Առաջին անգամն եմ լսում, ասում էր նա, — այդ ձեր կուլտուրական կոչուած կռուի տեսակը, որ ձեր ասելով, առանց ղէնքերի է կատարւում: Դրան իմ խելքս բոլորովին չէ հասնում թէ առանց արիւնի և ղէնքի գործ առաջ գնայ, յաղթութիւն լինի: Այդ կուլտուրական կռիւը ես ուրիշ տեսակ եմ հասկանում. դա նշանակում է, որ հայերը իւրեանց կաշուց սաստիկ վախենում են և չեն ուզում նրան ծակծկվելու վտանգի տակը դնել. նոյնպէս մեծ նշանակութիւն են տալիս քսակներին և չեն ուզում նրանց բերանը բաց անել. — «Դուք սխալվում էք, խան, — ասացի. — այն ազգը որ ուստաց բանակին անպակաս տվել է հերոսական զօրավարների, տաղանդաւոր ասպետների, քաջ զինւորների, այդպիսի մի ազգ իւր կաշու ծակծկվելից չի վախենալ: Այն ազգը, որ անցեալում շինել է անհամար եկեղեցիների, ներկայումս շինում է ուսումնարաններ, կազմում է բարեգործական ընկերութիւններ, Սովի տարին ստոյգ մահից ազատեց իւր կարօտ դա-